

obučavanju i stručnom osposobljavanju i u tim pitanjima pružati odgovarajuću stručnu pomoć i starati se da službe budu osposobljene za vršenje zadataka za koje su formirane, a pravna lica i udruženja iz člana 4. ove Odluke su dužna postupati po zahtjevima Službe civilne zaštite Općine Hadžići, koji se odnose na pitanja službe zaštite i spašavanja.

IV. PRIJELAZNE I ZAVRŠNE ODREDBE

Član 11.

Službe zaštite i spašavanja iz člana 4. ove Odluke će se formirati u roku od tri mjeseca od dana stupanja na snagu ove Odluke.

Član 12.

Služba civilne zaštite je dužna pružiti odgovarajuću stručnu pomoć pravnim licima i udruženjima u kojima se formiraju

službe zaštite i spašavanja, a koja se odnosi na pravilno i blagovremeno službi zaštite i spašavanja.

Član 13.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Član 14.

Stupanjem na snagu ove Odluke stavlja se van snage Odluka o određivanju pravnih lica i udruženja u kojima se organizuju službe zaštite i spašavanja, broj 09-44-5-9836/2010 od 10.12.2008. godine.

Broj 09-44-5-7201/10
1. septembra 2010. godine
Hadžići

Općinski načelnik
Hamdo Ejubović, s. r.

OPĆINA ILIDŽA

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 55. Statuta Općine Ilidža ("Službene novine Kantona Sarajevo", broj 5/98), općinski načelnik, 21. septembra 2010. godine, verifikovao je i donio

ODLUKU

O KOREKCIJI REGULACIONOG PLANA "OSJEK" (Benzinska pumpa)

Član 1.

Utvrđuje se Korekcija Regulacionog plana "Osjek", ("Službene novine Kantona Sarajevo", broj 14/04), u daljnjem tekstu: Korekcija Plana.

Član 2.

Korekcijom Plana utvrđena je građevinska parcele za izgradnju objekta benzinske pumpe, a prema sljedećim urbanističko-tehničkim uslovima:

- Regulaciona i građevinska linija planiranog objekta benzinske pumpe definisana je u grafičkim prilogima "Mreža regulacionih i građevinskih linija", "Situacija", Planu parcelacije i analitičkoj obradi građevinske parcele.
- Planirana maksimalna građevinska linija objekta benzinske pumpe zajedno sa nadstrešnicom iznosi 50,0 x 27,0 metara. Spratnost objekata je prizemlje, a ukupna visina objekta u odnosu na kotu saobraćajnice, ne smije preći max. visinu od 6,0 metara. BGP max. objekta benzinske pumpe iznosi 105 m².
- Arhitektonsko oblikovanje objekta mora biti prema priloženom Idejnom projektu benzinske stanice, br. 004-04/09, urađen od strane Hasidić d.o.o. Sarajevo, aprila 2009. godine.
- Objekat benzinske pumpe mora ispoštovati sve tehničke standarde, odnosno sigurnosno-tehničke mjere, i mjere zaštite od požara i eksplozije, koje su zakonom propisane za ovu vrstu objekata, kao i sve zakonom propisane uslove zaštite prirodne sredine i okoliša.
- Izgradnjom benzinske pumpe moraju se obezbijediti i kolski pristupi susjednim objektima.

Član 3.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Osjek", te da pribavi saglasnost nadležnih javnih komunalnih preduzeća.

Član 4.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Osjek" - 1:1000; Izvod iz Plana parcelacije Regulacionog plana "Osjek" - 1:1000; Korekcija Plana - "Mreža regulacionih i građevinskih linija" 1:500; Korekcija Plana - "Situacija" 1:500; Korekcija Plana - "Plan parcelacije sa analitičkom obradom građevinskih parcela" 1:500.

Tekstualni i grafički prilozi Korekcije Plana, sastavni su dio Regulacionog plana "Osjek", ("Službene novine Kantona Sarajevo", broj 14/04).

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo, i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Ilidža, a naknadno će se objaviti u "Službenim novinama Kantona Sarajevo".

Broj 06-376/2-10
21. septembra 2010. godine
Ilidža

Općinski načelnik
Amer Čenanović, s. r.

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 124. Statuta Općine Ilidža ("Službene novine Kantona Sarajevo", broj 5/98,3/10, općinski načelnik donosi

ODLUKU

O STAVLJANJU VAN SNAGE ODLUKE O MINIMALNOM RADNOM VREMENU MALOPRODAJNIH OBJEKATA I OBJEKATA U KOJIMA SE VRŠE ZANATSKE, UGOSTITELJSKE I DRUGE USLUGE NA PODRUČJU OPĆINE ILIDŽA

Član 1.

Ovom Odlukom stavlja se van snage Odluka o minimalnom radnom vremenu maloprodajnih objekata i objekata u kojima se vrše zanatske, ugostiteljske i druge usluge na području općine Ilidža ("Službene novine Kantona Sarajevo", broj 1/00).